



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1702. usque ad annum 1708

Fleury, Claude

August. Vind. [u.a.], 1781

VD18 13322648

§. 79. Eadem Constitutio in Belgio acceptata.

[urn:nbn:de:hbz:466:1-67633](https://nbn-resolving.org/urn:nbn:de:hbz:466:1-67633)

Sæc. XVII.
A. C. 1705.

§. LXXIX.

*Eadem Constitutio in Belgio
acceptata.*

*Argentre
Coll. Jud.
pag. 455.
Epist. Cle-
men. XI.
pag. 290.
Es 281.*

Quam primum hæc Pontificis Con-
stitutio in Belgium fuisset delata,
mox Mechliniensis Archiepiscopus eam
ab omnibus Episcopis & universitatibus
promulgari, ac recipi petiit: Præ-
cipuis igitur eandem Lovaniensis Uni-
versitas summo gaudio excepit, ac
propterea die decima secunda Decem-
bris a summo Pontifice hisce literis ho-
norata: „Ex datis nuper ad Nos literis
„vestris libenter audivimus, quanto
„cum gaudio Apostolicam nostram ad-
„versus Janseniani erroris reliquias con-
„stitutionem exceperitis, quave animo-
„rum alacritate debitam eidem obe-
„dientiam pro ingenito vobis in hæc
„sanctam Sedem obsequio polliciti sitis.
„Quod vero insuper pro tuenda strenue
„fidei veritate, quam Beatus Petrus
„in hac eadem Sede adhuc vivens
„præsidens universis Christi fidelibus
„præstat, eximium Zelum vestrum pro-
„dideritis; laudamus admodum, &
„peculiares bonorum omnium Largi-
„tori Deo gratias agimus; qui in
„signi facultate vestra orthodoxæ Re-
„ligionis præsidium, & decus maxi-

„mum Ecclesiis Belgicis repositum vo- Sæc. XVII.
 „luit, ut scilicet assiduis studiis, ac A. C. 1705.
 „laboribus vestris abunde valeatis ex-
 „hortari in doctrina sana, & eos, qui
 „contradicunt, arguere: Pergite igi-
 „tur, dilecti Filii, in suscepto munere
 „feliciter exequendo, & eliminatis pe-
 „nitus ex Academiæ vestræ finibus,
 „doctrinis variis & peregrinis, quibus
 „nonnulli nimis alta sapientes, apud
 „semetipsos misere abduci se passi sunt,
 „inviolabilis Petræ, supra quam Chri-
 „stus fundavit Ecclesiam, dogmatibus
 „& institutis firmiter inhærere, pater-
 „næque nostræ, qua vos omnes in Do-
 „mino amplectimur, Charitatis am-
 „pliora semper, ubi se occasio dederit,
 „argumenta expectate. Apostolicam in-
 „terim vobis Benedictionem peraman-
 „ter impertimur. „

Jam antea Pontifex gratulatorias
 ejusmodi literas dedit ad Mechlinien-
 sem Archiepiscopum, die vigesima sexta
 Septembris hæc ad eum perscribens:
 „Quod editam nuper a Nobis ad eli-
 „minandas Jansenianæ hæreseos reli-
 „quias Constitutionem omni, quæ vere
 „Catholicum, & Religiosum decebat
 „Antistitem, reverentia exceperis, per-
 „gratum quidem Nobis, & perspectæ
 „simul pietati tuæ, ac singulari, quo
 „ferves orthodoxæ fidei tuendæ Zelo

S 3

„con-

Sæc. XVII. „consonum fuit. Quod vero Nobis ea
 A.C. 1705. „de re gratulari volueris, peculiaris
 „insuper erga Nos, & hanc Sanctam
 „Sedem observantiæ tuæ Nobis argu-
 „mentum extitit. Debitas propterea
 „pro utroque officio præstito laudes Fra-
 „ternitati tuæ libenter impendimus,
 „votisque tuis apud Deum nostra con-
 „jungimus, ut extinguendis prorsus et-
 „roribus, Ecclesiæque paci restituendæ
 „prædicta Constitutio nostra prospiciat.
 „Id vero in regionibus vestris, maxime
 „de Fraternalitatis tuæ opera ac studio,
 „quo apud omnes Pastoralis tuæ caræ
 „subjectos debitam eidem Constitutioni
 „obedientiam curaturum te minime
 „ambigimus, Nobis, favente Domino,
 „pollicemur, nihil plane omiffuri, quo
 „& sustinendæ Catholicæ fidei causæ
 „& promovendis etiam, ubi se occasio
 „dederit, commodis, ac dignitate tua
 „sedulam Apostolici muneris nostri ope-
 „ram præbere, præcipuamque dilectio-
 „nem, qua Te, paterne amplectimur,
 „declarare possimus, & Apostolicam
 „Benedictionem Fraternalitati tuæ per-
 „amanter impertimur.,

Ejusdem ferme tenoris literas Pon-
 tificex dedit ad Cardinalem Estræum
 Albanensem Episcopum, necnon ad
 Cardinalem Noallium, Guilielmum Bru-
 gensem, & Paulum Carnutensem Epi-
 scopos.

scopos. Ceterum hæc Pontificis Con-
 stitutio illis, qui eam desiderarunt, Sæc. XVII.
 A. C. 1705.
 triumpho argumentum, illis vero, qui
 per eum damnati fuere, nova opposi-
 tionis materia existit; dicebant enim
 alii, controversiæ caput non esse deci-
 sum, alii decisionis vim vituperiis, ca-
 lumniis, & aperto Sedis Apostolicæ
 contemptu infringere moliebantur, at-
 que ex iis Withu, Licentiatus Lova-
 niensis petulantius, hanc Bullam ap-
 pellitare non erubuit *opus tenebrarum*
Antichristo dignum, quo vera Christi gra-
 tia destruitur, & Pelagianismus stabi-
 litur: in Galliis quoque Episcopus S.
 Pontii in Occitania hanc Constitutionem
 acceptare renuit. eoquod viginti tres
 Episcopi Anno 1667. pro obsequioso si-
 lentio stetissent, ejus tamen edictum
 ad Diæcesanos missum unacum ipsius
 epistola ad Atrebatensem scripta Anno
 hujus sæculi nono fuit condemnatum.

§. LXXX.

*Bellum contra Gallo - Hispanos a
 fœderatis continuatum.*

Diffluente gaudiis Vienna ob gemi-
 nam prioris anni victoriam, cædi-
 bus immaduit Bavaria; cum enim Im-
 perator copias suas e Bavaria maxi-
 mam partem in Italiam traduceret,

*Theatr. Eu-
 rop. t. 17.
 pag. III.
 Briet. contin.
 Annal.
 pag. 1018.*

S 4 rustici